
OFFERYNNAU STATUDOL CYMRU

2017 Rhif 152 (Cy. 44) (C. 16)

**DIOGELU'R AMGYLCHEDD, CYMRU
TRWYDDEDU (MOROL), CYMRU
LLYGREDD MOROL, CYMRU**

Gorchymyn Deddf yr Amgylchedd
(Cymru) 2016 (Cychwyn Rhif 1) 2017

Gwnaed - - - - 14 Chwefror 2017

Mae Gweinidogion Cymru, drwy arfer y pwerau a roddir iddynt gan adran 88(3)(c) o Ddeddf yr Amgylchedd (Cymru) 2016(1), yn gwneud y Gorchymyn a ganlyn.

Enwi a dehongli

1.—(1) Enw'r Gorchymyn hwn yw Gorchymyn Deddf yr Amgylchedd (Cymru) 2016 (Cychwyn Rhif 1) 2017.

(2) Yn y Gorchymyn hwn ystyr "y Ddeddf" ("the Act") yw Deddf yr Amgylchedd (Cymru) 2016.

Y darpariaethau sy'n dod i rym ar 24 Chwefror 2017

2. Y diwrnod penodedig i'r darpariaethau a ganlyn o'r Ddeddf ddod i rym yw 24 Chwefror 2017—

- (a) adran 77 (ffioedd am fonitro, amrywio etc. drwyddedau morol) i'r graddau sy'n angenrheidiol at ddiben gwneud rheoliadau;
- (b) adran 78 (darpariaeth bellach ynghylch talu ffioedd) i'r graddau sy'n angenrheidiol at ddiben gwneud rheoliadau; a
- (c) adran 79 (apelio yn erbyn amrywio etc. drwydded forol am beidio â thalu ffi neu flaendal) i'r graddau sy'n angenrheidiol at ddiben gwneud rheoliadau.

Statws *This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.*

14 Chwefror 2017

Lesley Griffiths
Ysgrifennydd y Cabinet dros yr Amgylchedd a
Materion Gwledig, un o Weinidogion Cymru

NODYN ESBONIADOL

(Nid yw'r nodyn hwn yn rhan o'r Gorchymyn)

Y Gorchymyn hwn yw'r gorchymyn cychwyn cyntaf a wneir gan Weinidogion Cymru o dan Ddeddf yr Amgylchedd (Cymru) 2016 ("y Ddeddf").

Mae'r Gorchymyn hwn yn dwyn i rym y darpariaethau a ganlyn o'r Ddeddf ar 24 Chwefror 2017—

- (a) adran 77 (ffioedd am fonitro, amrywio etc. drwyddedau morol) i'r graddau sy'n angenrheidiol at ddiben gwneud rheoliadau;
- (b) adran 78 (darpariaeth bellach ynghylch talu ffioedd) i'r graddau sy'n angenrheidiol at ddiben gwneud rheoliadau; ac
- (c) adran 79 (apelio yn erbyn amrywio etc. drwydded forol am beidio â thalu ffi neu flaendal) i'r graddau sy'n angenrheidiol at ddiben gwneud rheoliadau.